

國

朝

列

卿

紀

國朝列卿紀卷之一百三十九

順天府尹丞序

文皇龍飛北京卜遷都於永樂初年改北平布政司爲順天府六年先置尹丞等官如應天以地居轂下憑城社者類橫恣捭法故假重職以彈壓之第年久法弛事變叢生一切徵派和派之類干拂中禁出於繩限部臺往往以勢下諉而養望自全者凜不敢詰積爲民蠹求其挺節廷諍以肅清鎮撫爲已任者可多見哉今詳各官年表於後其行實見於事紀其勳德茂著表爲列傳

國朝列卿紀卷之一百三十九

順天府府尹年表

張

賈

直隸靈璧人大學生永樂十年三月始設尹首任卒於官

郭仕道

江西萬安人洪武丁丑進士永樂十三年任十六年卒

陳

譔

廣東番禺人永樂戊子鄉舉十六年任十九年出爲湖廣按察使

甄

儀

陝西麟遊人洪武丙子鄉舉永樂十九年任陞兵部左侍郎

王

驥

直隸東鹿人永樂丙戌進士洪熙元年任陞兵部尚書封靖遠伯卒謚忠毅

李

庸

直隸完縣人國子生宣德二年任陞工部左侍郎

姜

濤

山西忻州人永樂甲午鄉舉正統元年任陞戶部左侍郎

王

賢

山東寧陽人永樂辛卯鄉舉正統十一年由光祿少卿陞任歷九年考滿進階正二品天順五年致仕

王

福

山西清源人正統乙丑進士天順六年由府丞陞任八年調兩浙運使

張

諫

應天句容人正統己未進士天順八年由太僕寺卿陞任成化元年卒於官

閻

鐸

廣西興平人景泰辛未進士成化三年由參政陞任六年致仕

李

裕

江西豐城人景泰甲戌進士成化七年由陝西左右布政陞任

邢

簡

陝西咸寧人景泰甲戌進士成化九年由浙江左參政陞任

杜

謙

直隸昌黎人景泰甲戌進士成化十六年由浙江左布政任詳河道

劉

潺

河南安陽人天順丁丑進士成化二十年任

唐

珣

直隸華亭人天順丁丑進士成化二十二年任

黃

傑

河南滑川人成化丙戌進士弘治四年由本府丞陞任

張

玉

直隸吳橋人成化丙戌進士弘治八年由福建左布政陞任

張

憲

江西德興人成化壬辰進士弘治十年由浙江右布政陞任

韓

重

山西絳州人成化戊戌進士弘治十四年由應天府尹改任

簡

琦

山東德平人成化辛丑進士弘治十六年由本府承陞任十八年致仕

俞

俊

浙江麗水人成化壬辰進士弘治十八年由山西左布政陞任

林

泮

福建閩縣人成化壬辰進士正德元年由江西左布政陞任

呂

獻

浙江新昌人成化甲辰進士正德二年由本府承陞任

李

瀚

山西沁水人成化辛丑進士正德二年由河南左布政陞任

沈

銳

浙江仁和人成化己丑進士正德二年由廣東左布政陞任

胡

富

直隸績縣人成化戊戌進士正德二年由陝西左布政陞任

胡

汝礪

陝西寧夏人成化乙未進士正德三年由府承陞任

李

浩

山西曲沃人成化甲辰進士
正德三年由左通政陞任

王

鼎

福建侯官人成化辛丑進士
正德三年由廣東右叅政陞任

張

遇

河南項城人成化甲辰進士
正德六年任詳工部

楊

日

福建建安人弘治庚戌進士
正德六年由應天府府丞陞任

楊

廉

江西豐城人成化丁未進士
正德七年由南京右通政陞任

李

充嗣

四川內江人成化丁未進士
正德十年由雲南右布政陞任

胡

韶

江西鄱陽人成化甲辰進士
正德十年由廣東左布政陞任

童

瑞

四川犍爲人弘治庚戌進士
正德十三年由河南左布政陞任

徐

蕃

直隸秦州人弘治癸丑進士
正德十六年由山西左布政陞任
詳易州山廠侍郎

張

璉

陝西耀州人弘治壬戌進士
嘉靖二年由四川左布政陞任

王 輒 直隸江都人弘治己未進士嘉
靖二年山東左布政陞任

聞 淵 浙江鄞縣人弘治乙丑進士嘉靖三年出應
天府尹改任六年陞太常寺卿詳步海尚書

萬 鐘 江西進賢人弘治乙丑進士嘉
靖六年由大理寺少卿陞任

陳 祥 江西高安人弘治壬戌進士嘉靖六
年由左布政陞任詳應天巡撫

黎 奭 湖廣京山人正德辛未進士嘉靖七
年由膳黃右通政陞任詳兵部侍郎

王 浚 浙江建德人正德戊辰進士嘉靖十年由
河南左布政陞任十一年陞南谿右副都

胡 鐸 浙江餘姚人弘治乙丑進士嘉靖十二年由
左布政陞任十三年降南京太僕寺卿

劉 淑 湖廣麻城人正德丁丑進士嘉靖十三
年由廣西左布政陞任十四年陞任

曹 蘭 陝西咸寧人正德辛未進士嘉
靖十五年由左布政陞任

王道中 直隸撫寧人正德甲戌進士嘉靖
十六年由大理寺右少卿陞任

邵

錫

直隸安州人正德戊辰進士嘉靖十七年山右副都御史陞任本年開任

蔣

淦

廣西全州人正德辛未進士嘉靖十八年由浙江左布政陞任

劉

勳

福建莆田人正德甲戌進士嘉靖十九年任本年陞巡撫寧夏右副都御史

劉

泉

湖廣承天衛人正德辛巳進士嘉靖十九年由南京右通政陞任

楊

銓

江西豐城人正德甲戌進士嘉靖二十一年由廣東左布政推府尹以病乞休未任

高

擢

直隸澤州人嘉靖巳丑進士二十一年由太僕寺少卿陞任

胡

奎

江西峽江人正德辛巳進士嘉靖二十五年由太僕寺少卿陞任二十八年陞巡撫雲南

郭

登

山西高平人嘉靖壬辰進士二十九年由南京光祿寺卿陞任詳工部左侍郎

馬

坤

直隸通州人嘉靖癸未進士三十年由河南左布政陞任

盧

紳

陝西咸寧人嘉靖癸未進士三十年由山東左布政陞任

馮

岳

浙江慈溪人嘉靖丙戌進士三十一年由
江西左布政陞任三十二年陞湖廣巡撫

雷

禮

江西豐城人嘉靖壬辰進士三
十二年由太常寺少卿陞任

扈永通

山東曹縣人嘉靖壬辰進士三十二年由憲
天府尹推以遠限降外任歷河南布政闕任

高

耀

直隸清苑人嘉靖乙
未進士三十三年任

汪宗元

湖廣崇陽人嘉靖己
丑進士三十五年任

黃懋官

福建莆田人嘉靖戊
戌進士三十五年任

劉養直

四川內江人嘉靖戊
戌進士三十六年任

劉大寶

河南確山人嘉靖戊
戌進士二十八年任

萬

家

江西豐城人嘉靖甲辰進士
三十九年由太僕寺卿陞任

查秉彝

浙江海寧人嘉靖戊戌進
士四十年任本年卒於官

呂時中

北直隸齊豐人嘉靖
辛丑進士四十年任

王國光

山西陽城人嘉靖甲辰進士
四十一年由太僕寺卿任

魏尚純

河南鈞州人嘉靖壬
辰進士四十二年任

劉 畿

直隸長洲人嘉靖庚
戌進士四十二年任

張 玘

山西石州人嘉靖乙
未進士四十二年任

徐 綱

湖廣興國州人嘉靖甲
辰進士四十二年任

任士憑

山東平原人嘉靖丁
未進士四十五年任

李 敏

山西榆次人嘉靖丁未進士四
十五年任隆慶元年聽調

陳紹儒

廣東南海人嘉靖戊戌進士隆
慶元年任本年改太常寺卿

徐貞元

直隸景昌人嘉靖辛
丑進士隆慶元年任

曹三賜

直隸宜興人
隆慶二年任

栗永祿

山西長治人
隆慶四年任

姚一元

浙江長興人
嘉靖甲辰進士
隆慶四年任

郭朝賓

山東汶上人
嘉靖乙未進士
隆慶五年任

徐斌

直隸常熟人
進士
隆慶五年推未任

曹金

河南祥符人
嘉靖丁未進士
隆慶五年任

孫一正

陝西渭南人
嘉靖癸丑進士
隆慶六年任

施篤臣

直隸青陽人
嘉靖丙辰進士
萬曆元年由山東左布政任
二年回籍

曹科

山西寧鄉人
嘉靖癸丑進士
萬曆二年推未任

曾同亨

江西吉水人
嘉靖己未進士
萬曆三年由光祿卿任
四年陞巡撫貴州
右副都沐年調用

王之垣

山東新城人嘉靖壬戌進士萬曆四年由太僕寺卿任五年陞巡撫湖廣右副都

金立敬

浙江臨海人嘉靖庚戌進士萬曆六年任

施堯臣

直隸青陽人嘉靖庚戌進士萬曆七年任

朱卿

山西長子人嘉靖丙辰進士萬曆九年由浙江左布政任七月患病回籍

張國彥

北直邯鄲人嘉靖壬戌進士萬曆九年八月由江西左布政任十一年陞撫治鄧陽右副都

臧惟一

山東諸城人嘉靖乙丑進士萬曆十一年以光祿卿陞任十二年陞巡撫河南右副都

徐元太

直隸宣城人嘉靖乙丑進士萬曆十二年由浙江左布政任十三年七月陞巡撫四川右副都

沈思孝

浙江嘉興人隆慶戊辰進士萬曆十三年七月由四夷館少卿陞任十四年四月調南太僕卿

王用汲

福建晉江人隆慶戊辰進士萬曆十四年由大理左少卿陞任十五年陞操江右副都

周繼

山東歷城人嘉靖乙丑進士萬曆十五年由太僕卿陞任本年改太常卿

石應岳

福建龍巖人隆慶辛未進士萬曆十五年十一月由應天府尹陞任十七年六月陞南院右副都

朱孟震

江西新淦人隆慶戊辰進士萬曆十七年由貴州左布政任十八年九月陞通政使

王體復

山西太平人隆慶戊辰進士萬曆十八年由陝西左布政任

順天府府尹行實

張貫字

直隸鳳陽府靈璧縣人洪武末年由歲貢入大學

永樂中任順天府知府十年三月陞府爲京兆

府陞本府府尹政尚寬平獄無留滯吏民愛之稱爲長者十
年卒於官

郭仕道字

江西吉安府萬安縣人洪武丁丑進士授行人

司行人改齊府紀善出爲襄城縣丞首詢民瘼興學化俗政績


上聞永樂

年徵詣京師授懷慶府通判十一年以異政陞順

天府尹遇僚屬以公平聽訟斷獄雖若至嚴然推恕之心形於
政事者尤多十一年卒於官

陳諤字克初字一諤廣東廣州府番禺縣人永樂六年舉鄉試入大學八年擢刑科給事中舉劾權貴無所避每奏事大聲如鍾上令餓之數日奏對如故上曰是天生也每見呼爲大聲秀才嘗言事忤旨命坎瘞奉天門外七日不死赦出還職尋陞吏科都給事中一日率同列論事觸上怒落職罰修象房同事者先治完降官去諤貧不能顧役躬治甚力值駕至觀象上問治屋者爲誰諤前俯伏具道所以上憐之命復其官搏擊愈甚十一年奉使雲南還命署通政司事逾年署應天府復署刑部十四年署鴻臚明年改署工部所至能其官十六年六月擢順天府尹政尚嚴察頗有張趙風嘗出行誤衝

皇太子駕。太子訴於上。上曰：陳府尹是我父母官，竟不問其優假如此，既而執政者忌之，出爲湖廣按察副使，以摺摭楚王細故爲上所厭。三載刑政肅清，一道無冤獄，亦無冤民。奏最敗山西坐事落職。洪熙改元，遇赦應復。上曰：諤，小人也，不宜以玷方面。貶海鹽知縣。上一日問左右：大聲官人何在？宜署輔導，使人得聞過，乃授荆府長史。多所匡益。上賜以忠良鯁直四字，示寵異焉。宣德三年，與王不協，遷鎮江府同知，致仕歸。正統九年卒於家。

甄儀字陝西鳳翔府麟遊縣人。洪武丙子鄉舉，授戶部主事。歷長沙府同知、永樂中調嘉興府同知。十年陞順天府丞。

十九年陞順天府尹爲人平坦無過洪熙元年陞行在兵部右侍郎尋轉左涖事南京詳兩京兵部

王驥字尚德直隸東鹿縣人永樂丙戌進士授兵科給事中尋出使山西見徐溝民困奏免鹽池虧課二十餘萬時應天府缺丞務急且冗委署之立辦復署行在都察院事持正不撓陞山西按察司副使洪熙改元 仁廟素知其才名召爲順天府尹才敏決不滯畿甸大治 特賜 誥以褒之 宣廟卽位之明年陞行在兵部右侍郎詳兵部

李庸字本中直隸保定府完縣人由國子生永樂十二年擢工部給事中歷本科都苛急少容十九年陞順天府丞宣德二年

吏部尚書郭璉與庸同鄉特薦陞順天府尹在任無善政所守多不檢十年陞工部左侍郎仍掌順天府事尋以不法被劾去

官詳工部

姜濤字靜之山西太原府忻州人永樂甲午鄉舉永樂中授嘉興府同知二十一年調河間府同知宣德九年以剛正廉幹聞特陞本府知府敏決有爲士民宜之正統元年召陞順天府尹值承平日久百役稍息濤安常率職民亦不擾四年京師大水命濤存問視被水軍民具奏賑濟十一年陞戶部左侍郎詳戶部

王賢字惟善其先通州三河縣人父友直當元季授擢避兵山

東遂占籍寧陽領永樂辛卯鄉舉登乙榜授鄆陵教諭學久廢弛振勵而作興之然必以身爲教嚴條約程課業不易寒暑又言於有司新學宮飭廟祀煥然一新士咸知向學多所造就戶部尚書張睿禮部尚書兼翰林院學士薛瑄皆其高第弟子也陞鈞州佐宣德十年秩滿擢戶科給事中正統九年進光祿寺少卿奉勅淮陽巡事民瘼著廉幹聲十一年上知其才召陞順天府尹輦轂之下兵民雜處權勢縱橫賢不剛不柔爬奸剔蠹一處以公道人見其言動尊嚴亦不敢以非禮干吏民大化之嘗以柴炭爲民病走語工部尚書石璞曰京民勞疲極矣今採運夫役與直保諸郡等無乃不可乎石默然爲遞減之又

精新中貴縱其下非法凌府屬叱跪於庭熾火劑之賢聞趨至
縛其人欲以聞主者濫言謝乃釋去一日坐公堂有懸金牌直
入稱權勢官索板箒若干賢曰明日來取察知其詐及至執之
寘之法其處事多類此九載滿表乞致仕 上不許陞正二品
俸復任又三載再疏乞骸骨 上曰卿言七十禮當致仕然京
畿冗繁非爾不治所請不允 英宗皇帝復辟之初顧近臣曰
府尹如賢者何可得哉五年以年七十有三上章引疾力辭得
請卽日上道士民攀援塞途戀戀不忍舍去在任以當務爲急
嘗修府治學校及宋文丞相祠事集而民不擾苟有所省卽省
之惟恐累于民故民德之深成化改元用恩例進階一級授從

二品階中奉大夫成化三年卒年八十有一

聖政紀云賢嘗夢人授之書曰讀吾書可衣緋不讀吾書止衣綠覺而異之數日於路得一書視之青烏家說也潛玩讀久之乃以善地理聞爲鈞州佐時漢府有異志遣人購之不往曰欲得予非詔旨不可漢王以名聞特上以仁孝皇后未葬有事壽陵曰吾正欲得之乃遂取以往見於房山某處上指示其處對曰此公侯地耳扈從至寶家莊益寶十郎故址曰勢如萬馬自天而下真天子地也乃定合長陵是也前有小阜欲去之曰恐有妨於皇嗣上問無後乎曰非也但多庶出耳上曰庶出亦可遂不去

王福字

山西太原府清源縣人正統戊午舉鄉試第一乙

丑登進士擢監察御史天順元年陞順天府丞六年七月陞本府府尹在任循常不著績七年以罪謫兩浙運使尋以乞休卒

張課字

應天府句容縣人正統己未進士擢監察御史歷

副使天順元年陞太僕寺卿七年陞順天府尹成化元年卒於官

閻鐸字

陝西平安府興平縣人景泰辛未進士授刑部主

事三年改吏部稽勳司主事六年陞本司員外郎天順元年陞稽勳司郎中陞參政成化二年陞順天府府尹六年致仕

李裕字咨德江西南昌府豐城縣人景泰甲戌進士乙亥簡授

河南道監察御史都御史寇深以裕持憲得大體委掌廣西四
川二道事天順七年陞山東按察使在山東閱諸郡死獄無慮
數百親鞠之得平反未減者過半青州大峴山砦七十二處皆
殺人爲盜羣不逞亡命其中乃督守令往捕之殲魁釋從間有
逃租稅者亦爲之蠲其逋負人謂莫測之禍消於未然成化十
八年陞陝西右布政下車踰月召陞順天府尹寬徵需革和賣
嚴田土投獻之禁故事給引錢並入府尹私藏計不下數千緡
裕令一引輸楮鈔各二張貯之官用不收一錢遂奏爲例癸巳
轉都察院右副都御史總督漕運兼巡撫鳳淮揚諸郡詳吏部
邢簡字居敬陝西西安府咸寧縣人景泰甲戌進士授刑部主

事歷本部員外郎天順七年陞真定知府李則祛弊政清均徭於番漢官軍勳貴戚里悉斟酌則當尤敦崇學校修文廟建公署政績大著居任七年士民帖服有鶴琴雙清之頌成化六年陞浙江左叅政以嚴治稱九年召陞順天府尹政尚操切而事亦速辦十三年陞南京大理寺卿詳戶部右侍郎

杜謙字益之直隸昌黎人景泰甲戌進士授工部都水司主事歷浙江左布政使成化十六年陞順天府尹十八年陞工部左侍郎詳河道

劉潯字

河南彰德府安陽縣人天順丁丑進士授刑部主

事成化十九年任四川左布政使二十年陞順天府尹二十一

年陞巡撫遼東右副都御史

唐珣字廷貴直隸松江府華亭縣人天順丁丑進士授合州知州歷湖廣右布政使成化二十二年陞順天府尹弘治四年陞右副都御史巡撫順天詳兩廣總督

黃傑字

河南開封府洧川縣人成化丙戌進士除

推官擢監察御史十九年陞順天府丞弘治四年陞順天府尹

府

七年陞戶部右侍郎總督倉儲詳戶部

張玉字

直隸河間府吳橋縣人成化丙戌進士四年拜雲

南道監察御史正色立朝權貴斂手七年養病九年復原職巡

按關陝西進廉去貪風裁振肅十四年陞浙江按察司僉事二

十三年陞福建副使弘治四年轉本司按察使七年復陞本布政司左布政使闕十餘年凡盜賊之隱伏人民之誣罔謀逆之不軌征徭之不均爲所廉得摘發裁革損益者至夥弘治八年以薦進順天府尹時民方困於征輸玉廼條陳其利害上之事下廷議皆避之遂以爲例計歲減數千萬緡居者安堵流離者復業丁巳陞右副都御史巡撫遼陽謹斥墾嚴烽燧敦信義練軍士以守備爲本而不言攻戰有微求以希爵賞者公正色厲言拒之戊午進階一級庚午乞骸骨然中外方倚重留之愈懇而辭之愈堅竟以致仕歸詳遼東巡撫

張憲字廷式江西饒州府德興縣人成化壬辰進士授考功主

事歷員外郎郎中凡十有四年廉慎公勤如一日甄別流品必先志行遇士夫之賢者輒以人材訪之有所聞籍記惟謹課覈之際以參黜陟其人可用卽疎遠不相識必陰薦之陞山東左叅政行部所至興墜典釋冤繫孜孜政務在山東凡五年陞浙江布政使鎮守中官縱左右虐民而搜其財乃廉其人置於理久之陞順天府府尹事雖旁午遽之裕如屢請寬恤畿民以培植根本旱則竭誠致禱雨輒應期久之望尊權豪德爭士庶考最賜誥有剷除姦蠹扶植良善之褒十四年陞工部右侍郎總理易州山廠累官南京禮工二部尚書詳南京工部

韓重字

山西平陽府絳州人成化戊戌進士授禮科給事

中二十二年陞禮科都給事中弘治三年陞陝西右叅政九年陞陝西右布政使十一年陞應天府尹十二年丁憂十四年補順天府尹本年陞都察院左副都御史巡撫遼東詳南京工部尚書

蘭琦字廷璽山東濟南府德平縣人成化十年甲午舉鄉薦十七年辛丑登進士第十九年癸卯選爲兵科給事中累遷左右都給事中其所論列累至數十多切時務嘗勾稽邊儲會簡京營兵馬巡視諸馬房芻牧充楚府册封副使皆出特遣無弗稱者弘治六年癸丑擢順天府丞至十四年辛亥乃進府尹志本愛民佐事既久熟政體知民瘼一意撫字務賦蕘查極力應辦

惟財力弗給是懼民亦安之無異辭嘗條上十二事多行之
三載考績 賜誥命進階通議大夫十八年致仕歸卒年七十
有一

俞俊字尚賢浙江處州府麗水人成化壬辰登進士癸巳拜湖
廣江陵尹歲巳亥擢陝西道監察御史初監督盧溝木稅明年
巡光祿寺又明年巡通州成化十七年守制服闋乙巳復除湖
廣道御史奉 勅查盤湖廣邊儲風裁凜然弘治元年巡按四
川歲值大旱所活人三十五萬四千餘辛亥陞貴州按察司副
使整飭威清兵備弘治六年銅鼓魚嘴秋黨卜伍管逆等寨苗
賊生發奉 勅領兵剿平陞一級本年八月陞江西左叅政守

制起復戊午補福建左叅政辛酉陞山東右布政癸亥陞山西左布政十八年陞順天府尹在任謙和不伐事尚平易正德元年陞南京工部右侍郎二年改工部詳南京工部

林泮字用養福建閩縣人成化壬辰進士授南京大理寺評事歷寺副寺正盡心庶獄嘗有吳鑑者宜津人以與強盜同姓名逮繫又男子流丐者江西人亦捕爲盜賊苦刑部陸郎中刑皆自誣服泮駁復踰時果獲真盜又有吳能者六次父告不孝復息詞最後泮執之竟請上裁置之法癸卯以喪去位弘治初服闋陞廣州府知府治省城吏奸政弊訟繁泮處之若無事例有堂食泮一不指染凡郡之忠義貞節多所表異郡有監濫

諸山洞蠻時方猖獗泮承檄以兵入其穴擒斬渠帥因圖地形
會總兵盡屠之又豐湖保十三村民皆為盜泮諭降之戊午陞
廣西叅政奉 勅總督糧儲兼理屯田時逋欠三十三萬泮偵
知湖米方賤下令減直收銀差官往糴湖米民甚便之輸不後
時既半年逋欠畢集全州千戶謝表剝下奉上軍民切齒泮白
上司窮治之一方稱快辛酉陞江西右布政使癸亥轉左布政
廉公有威吏弊一熄嘗以東滙澤陳先生濬所著禮記集說有
功於禮奏乞從祀孔廟不果丙寅登順天府尹省寺供億悉復
舊章威讐豪右畿輔以治正德丁卯陞戶部右侍郎總督大倉
糧儲詳南京戶部

呂獻字不文浙江新昌縣人成化甲午魁鄉試甲辰第進士出使河南明年授刑科給事中丁未授文南宮得大學士費宏蔣冕人稱其明 孝廟登極命使交趾賜一品服以行竣事歸贈金玉千餘辭曰 聖天子新政清明百官承式獻敢不自愛固却不受由是廉聲益著太監李廣受富兒金以爲駙馬衆莫敢發獻劾罷之又因災異陳八事一曰策大臣以答天譴二曰杜倖門以正士風三曰抑親貴以昭至公四曰起淹滯以全大信五曰弭盜賊以安京師六曰處變夷以靖邊患七曰慎恩典以重民命八曰平選法以服人心及 孝陵災抗疏剴切數千言上嘉納焉張侯以 國戚遊宴後庭又奏劾之 詔杖三十繫錦

衣獄比就獄爲詩以自歌曰天閹不妨居矮屋日長猶想曳裳
裾慷慨忠懇見于詞色繼以所言直釋之光祿卿趙珰與獻爲
同年貧緣驟陞積劾不顧居諫坦十年章數百上皆切中時事
稿多不存歷刑科左右給事中禮科都給事中弘治十年擢應
天府丞時 輦下庶事煩劇專決不留性尤仁厚民皆愛之呼
爲父母辛酉提調應天試有權貴爲子弟求薦者厚貽之斥不
從前時莞庫者盜戶部所寄銀數千兩至是部檄取所寄銀不
知盜者姓名獻廉得盜者并其贓衆驚以爲神故人胡昉爲江
浦令爲豪民所抑以法左右昉得釋昉以金謝獻獻曰我以爲
公而爾以爲私亟去無污我府尹高敞卒於官孤不在次經紀

其家又助其歸視十二年丁父憂屬縣祭葬厚皆却不受惟
圖書數軸而已十八年服除改順天府丞其煩劇倍應天而裁
決益裕武宗耕籍田爲執事官態度閑雅上曰是禮儀甚
善豈不可以爲尙書耶亟遷之時中官劉瑾方惡之卒不用
是十餘年不調正德丁卯始授順天府尹未幾丁母憂明日遂
行服闋陞南京兵部右侍郎在留都持重務大體不責細微至
考選軍官閉門謝客秉持至公更調諸武官各稱其才詳南京
兵部

李瀚字叔淵山西澤州沁水縣人成化辛丑進士十八年授樂
亭知縣二十二年行取擢四川道監察御史弘治四年丁憂七

年起復補浙江道監察御史十二年陞湖廣副使十三年丁憂
十六年補河南副使十八年陞湖廣按察使正德二年歷河南
右布政使本年陞本司左布政使本年五月陞順天府尹至
九月陞都察院右副都御史總督漕運詳南京戶部

沈銳字文進浙江杭州府仁和縣人成化戊子領浙江鄉薦已
丑登進士第授刑部山西司主事大司寇陸瑜器重之委總諸
司章牘丙申陞員外郎被命往鞫德州監倉事積弊頓革戊
戌陞江西按察僉事銳在西曹久精法比故幽疑寃滯迎刃而
解時歲侵金侍郎紳奉命往巡視凡賑濟事宜舉以屬之既
而瑞州盜竊發以分巡其地被謫雲南廣西府通判丁外艱

服闋改徽州府弘治庚戌用當道薦陞廣東僉事瀧水後山賊
勢猖獗乃偕偏師搗其巢俘獲甚衆而釋平民以千計卒無冒
賞者捷 聞錫以文綺兩廣苦乏軍餉撫臣請 勅銳專理兼
覈功凡摧鹽通緝之法悉心規畫無弗使者丁內艱服闋復授
江西僉事至辛酉陞本司副使素性耿介寡合故一官五品淹
延者二十有四年士論多不平十八年陞廣西按察使不爲嶮
禁而貴勢傲跡軍民用甦正德丙寅陞廣東左布政使二年陞
順天府尹戊辰陞南京刑部右侍郎見南京刑部

胡富字永年直隸績谿縣人成化戊戌進士十五年陞南京大
理寺評事二十年陞寺副二十二年陞右寺正弘治 年歷陞

福建僉事

年丁憂

年起復補山東僉事十年陞廣東副使

十五年陞湖廣按察使十七年陞陝西右布政使正德元年陞陝西左布政使二年陞順天府尹三年陞南京大理寺卿忤逆瑾勒致仕四年瑾誅起南京戶部右侍郎七年陞南京戶部尚書詳南京戶部

胡汝礪字良弼陝西寧夏衛人成化乙未進士授戶部主事進郎中弘治



陞大同知府正德二年陞順天府丞三年陞府尹低昂其間畿內陰受其福詳兵部尚書

李浩字師孟山西曲沃縣人成化甲辰進士授都水主事管居梁洪故有役夫數千辦蒔草銀錢歲若干緡公至悉罷之止令

於農隙採辦備用改戶部主事丁父憂服闋改兵部車駕主事
陞員外郎奉 勅清理畿內諸土田奪豪右侵占者若干頃還
之民陞職方郎中爲尙書鈞陽馬公所稱重委攝諸司立奏陞
通政司右叅議轉左叅議持節充正使封晉府雲丘王歷左右
通政正德三年陞順天府尹時久旱疏論畿甸民所疾苦事當
罷行者 詔嘉納之逆瑾擅政無名需求甚急一切裁抑數而
議可否侃侃不阿沮瑾日使偵其過失然竟無所得也居二年
改通政使詳通政司

王鼎字

福建福州衛軍籍直隸鳳陽府定遠縣人成化辛

丑進士十七年授上饒縣知縣二十一年以憂去弘治二年服

滿補樂陵知縣六年行取權河南道監察御史十一年陞光祿寺少卿本年陞大理寺左寺丞十二年陞本寺右少卿十三年轉本寺左少卿十四年降保昌知縣未幾陞保定府同知十五年陞河南僉事十六年陞廣東右叅政正德五年陞順天府府尹本年陞都察院右副都御史理院事詳都察院

張遇字逢道河南項城縣人成化甲辰進士正德四年任山東左布政六年陞順天府尹本年陞工部右侍郎詳工部

楊旦字晉叔福建建寧府建安縣人成化癸卯鄉薦弘治庚戌登進士授吏部驗封司主事卽見重於太宰三原王公恕丙辰陞考功員外郎己未陞稽勳郎中辛酉轉考功風采剛方品藻

精確人罔敢干以私兩秉述職之衝黜陟惟允甲子陞太僕少
卿丁丑改太常正德丙寅乞恩歸省蒙路費寶鑑之錫丁卯起
復逆瑾欲要見卒不往遂以進陞例出知於溫郡以大治時瑾
之偵邏旁午州縣吏皆慄慄焉且獨築以靜民恃以安居溫二
年庚午起爲浙江副使督學政會當鄉試以五閱月週迴數千
里所校士允愜公議若拔寧波增廣生余本於久屈之中竟廷
試及第至今浙士夫猶服其精鑿辛未起爲應天府丞尋進尹
順天順天素號繁劇艱治治竟就緒壬申陞南京禮部右侍郎
嘗攝國子監事累陞禮侍掌太常寺進右都御史總督兩廣軍
務歷南京戶禮二部尚書改召北吏部未任詳南京吏部

楊廉字方震江西南昌府豐城縣人成化丁未進士選庶吉士
爲苑學諸老所推重弘治三年補南京戶科給事中益留心世
務以憂去服闋補刑科給事中未幾求便養改南京兵科給事
中久之陞南京光祿寺少卿正德二年陞南京太僕寺少卿敦
朋聚之樂環滁諸生多執經其門偏舉先儒異論分割是非琨
琨無倦容尤謹其矩度崇廉恥未幾復以憂計滁士懷之不忍
釋服闋補南京右通政會順天府缺尹奏補之輦轂之地百司
責成至於錢穀賦役訟獄工作之類紛沓不可櫛釋而城狐社
鼠又憑藉其間狎視官府緩則廢法急則賈怨廉以文學飾吏
事不如柔吐剛以省煩屏苛爲務市征襟賦皆酌其平豪猾不

得爲輕重賓興之歲原其理而峻其防且樽節其費以待會試
舊號舍用葦則易以木爲經久計其宿弊有常例錢數千緡以
給宴勞餽送悉罷歸之雖帝城多私人能驅驅人多所誅求不
遂皆知其愜素猶稱爲有道十年進南京禮部右侍郎詳南京
禮部

李充嗣字士修四川內江縣人成化丁未進士選入翰林庶吉
士弘治二年授戶曹主事旋改刑部審鞠悉中多所平反四年
以累謫判岳州督儲有法民自不擾嘗勘九溪夷情益大獄也
持牘立判廷中以不寃訟之九年秩滿權知隨州始視篆以學
舍傾欹廼謀葺新之工費不遠於民承荒曠之餘萬里凋瘵則

謀求義倉之法酌宜而行斂散有方凶歉有備境內以安民兵
久弛則簡閱有時士益精銳後有巨寇流入境率衆拒之盡殲
焉尤保愛士人嫉惡異說十三年考最陞陝西按察司僉事正
已率物貞一憲度分理邊餉以公勤著聲時有中貴撓法正色
不少屈常計事公署不合語諍之卽危言切責劾其貽害地方
十餘事疏上 孝廟褒其忠貴銜之欲甘心焉十六年丁父
憂正德改元闡瑾用事擯其服制違例矯 旨免官五年瑾誅
尋有 詔復起補任江西以風力名時宸濠逆節未著縱下播
毒亦繩以法民恃以無恐楚賊據華林勢甚熾我師數不利與
總師都憲王公贊畫竟致大捷六年以功晉山東按察司副使

兵備臨清八年轉雲南按察使九年轉本省右布政使十年

召爲順天府府尹未行半道遷都察院右副都御史巡撫河南詳

南京兵部

胡韶字大聲江西饒州府鄱陽縣人成化甲辰進士授工部主
事歷員外郎郎中陞嚴州府知府正德

年陞湖廣右叅政轉

廣西左八年陞廣東右布政九年轉左十年陞順天府尹十四
年陞刑部右侍郎詳刑部

童瑞字世奇四川犍爲人弘治庚戌進士任工科給事中十年

陞右十一年轉左十三年陞戶科都給事中十六年陞浙江左
叅政守制正德三年陞陝西四年調長蘆運使五年陞廣西右

參政丁憂八年起湖廣右布政本年轉河南左十三年陞順天府尹十六年陞工部右侍郎

徐蕃字宜之南直隸泰州人弘治癸丑進士授吏科給事中正德元年上疏黜權門正國法忤逆瑾逮獄杖三十爲民五年瑾誅復職歷江西參議七年陞浙江提學副使抑浮崇理九年吏部旌方面獨蕃與姚鏌湯沐與十年陞山東右叅政十四年陞山西左布政十六年陞順天府尹

國朝列卿紀卷之一百四十

順天府府丞年表

嚴

節

人以順天府同知陞任
永樂十

甄

儀

見府尹永樂
十年任

余謙

人

李庸

詳府尹永樂
十九年任

李友直

直隸清苑人由吏員永樂二十二
年以工部左侍郎降未幾復職

王鐸

四川岳池人宣德癸丑進士十年
以科都給事中降任卒於官

蔡錫

浙江鄞縣人永樂癸未鄉舉正統
年由山東副使陞任改應天詳大理寺卿

王弼

江西鄱陽人宣德癸丑進士正統十四
年由兵科都給事中陞任詳應天府尹

國

盛

山東淄川人正統戊辰進士景泰二年由
科都給事中陞任陞通政司左通政

王

福

詳府尹天
順元年任

王

晉

山東濰州人正統七年致仕
順四年由御史陞任七年致仕

盧

祥

廣東東莞人正統壬戌進士天順八年由南京太
漢寺少卿丁憂補任陞巡撫延綏右僉都御史

彭

信

浙江仁和人景泰辛未進士成化
元年由御史陞任陞應天府尹

丁

川

浙江新昌人天順甲申進士成化八年
由御史陞任陞巡撫延綏右僉都御史

徐

英

四川中江人天順丁丑進士成化十四年
由吏科都給事中陞任歷總漕右副都

張

海

山東德州人成化丙戌進士十六年由
兵科都給事中陞任歷兵部左侍郎

黃

傑

見府尹成化
十九年任

畢

亨

山東新城人成化乙未進士弘治四
年由考功郎中陞任歷工部尚書

簡

琦

見府尹弘治六年任

張

超

江西泰和人成化乙未進士弘治十年任

黃

寶

湖廣長沙人成化甲辰進士弘治十六年由太常寺少卿改任歷巡撫陝西右副都

王

佐

山西和順人成化戊戌進士弘治十七年由太常寺少卿改任歷南京戶部尚書

呂

獻

見府尹弘治十八年任

趙

璜

江西安福人弘治庚戌進士正德二年由濟南知府陞任本年爲民五年復任歷工尚贈太子太保謚莊靖

胡汝

礪

見府尹正德二年由大同知府陞任歷兵部尚書

沈冬

魁

直隸阜城人弘治庚戌進士正德四年由驗封郎中陞任歷南京禮部尚書

石

祿

直隸涿州人弘治庚戌進士正德五年由南太僕少卿改未任

楊一

漢

廣東南海人弘治己未進士正德六年由吏科都給事中陞任歷南京大理寺卿

王

翊

直隸永平衛人弘治己未進士正德七年由刑科都給事中陞任歷兵部右侍郎

張

潤

山西臨汾人弘治一戊進士正德九年由戶科都給事中陞任歷南京吏部尚書

黃

鍾

直隸隆慶衛籍江西贛縣人正德辛未進士十二年由吏科都給事中任歷巡撫山西右副都

王

堯封

直隸定興人弘治乙丑進士正德十四年由御史陞任歷南京兵部尚書

張

仲賢

山西陽曲人弘治乙丑進士嘉靖二年由湖廣道御史陞任陞巡撫順天右僉都

唐

鳳儀

湖廣邵陽人正德戊辰進士嘉靖六年由應天府丞改任陞巡撫四川右僉都

張

嵩

四川成都前衛人正德丁丑進士嘉靖十年由工科都給事中陞任陞巡撫順天右僉都

羅

輅

應天上元人正德戊辰進士嘉靖十二年由山東副使陞任改大理寺左少卿十三年卒於官

張

漢

湖廣鍾祥人正德甲戌進士嘉靖十三年由陝西右叅政陞任歷兵部左侍郎

郭

登庸

山西山陰人正德甲戌進士嘉靖十四年由應天府丞改任陞巡撫宣府右僉都御史

王 禎 陝西乾州人嘉靖丙戌進士十五年授文林
都給事中陞任歷巡撫順天右僉都御史

段 麒 直隸灤州人嘉靖丙戌進士十五年
由工部郎中陞任添註十七年閑住

姜潤身 山東膠州人嘉靖丙戌進士十七
年由御史陞任添註十八年閑住

張 湘 山西石州人嘉靖丙戌進士十八年
由尚寶司少卿陞任歷光祿寺卿

尤 魯 直隸無錫人嘉靖壬辰進士十
九年由兵科都給事中陞任

景 溱 山西蒲州人正德辛巳進士嘉靖二十
年由陝西道御史陞任二十二年養病

端廷赦 直隸當塗人正德辛巳進士嘉靖二十二
年由 參政陞任歷南院右都御史

任 瀛 山東兗州衛人嘉靖乙未進士二十三年出
戶科都給事中陞任歷巡撫鄖陽右僉都

竇一桂 山西武鄉人嘉靖丙戌進士二
十八年由光祿寺少卿陞任

王 紳 直隸滄州人嘉靖己丑進士三十年
由光祿寺少卿陞任詳總監右僉都

葉

鐘

江西生饒人嘉靖辛丑進士三
十一年由戶科都給事中陞任

李

敏

山西榆次人嘉靖丁未進士
三十五年任三十九年丁憂

馬

斯臧

河南鈞州人嘉靖庚戌進士
三十九年任四十年聽調

趙

鏜

浙江江山人嘉靖丁未進士四十
一年任四十一年陞大理寺少卿

梁

夢龍

直隸真定人嘉靖癸丑進士四十
一年任四十二年調河南按察司副使

郭

汝霖

江西永豐人嘉靖癸丑進士四十
二年任四十四年陞大理寺少卿

冀

鍊

山東益都人嘉靖甲辰進士四十
四年任陞巡撫河南右僉都御史

劉

秉仁

貴州衛籍嘉靖丁未進士十四
年改未任陞撫治鄖陽右僉都

李

邦義

廣東連州人嘉靖丙辰進士四十
五年由戶科都給事中任改南京鴻臚寺卿

邢

守庭

河南臨潁人嘉靖丙辰進士任兵科
四十五年陞尚寶司卿隆慶元年任

吳時來

浙江仙居人嘉靖癸丑進士隆慶元年以工部
左給事中任陞提督操江右僉都御史詳左

顧存仁

直隸太倉人嘉靖壬辰進士
隆慶二年起南通政參議任

何起鳴

四川內江人嘉靖己未進士隆慶元年由禮科都給
事中奉旨候四品京堂用二年八月任五年養病

宋 纁

河南商丘人嘉靖丙辰進士隆慶四年由山
東道御史任十一月陞巡撫保定左僉都

路王道

山西屯留人嘉靖癸丑進士
隆慶四年任陞太常寺少卿

傅希摯

直隸衡水人嘉靖丙辰進士任淮揚兵備副使隆
慶五年陞順天府丞本年陞巡撫山東右僉都

劉堯誨

湖廣臨武人
隆慶六年任

李 巳

河南磁州人嘉靖乙丑進士萬曆元年由
戶科都給事中任四年陞大理寺左少卿

朱南雍

浙江山陰人隆慶戊辰進士萬曆四年由
禮科都給事中任六年陞膳黃右通政

郭庭梧

河南新鄉人嘉靖乙丑進士萬曆六年由
京畿道御史陞任八年陞膳黃右通政

趙煥

山東掖縣人嘉靖乙丑進士萬曆八年由京畿道御史任十年陞大理左少卿

袁三接

廣東香山人嘉靖壬戌進士萬曆十年由光祿寺少卿任十二年陞太僕寺卿

韓必顯

山東安丘人隆慶戊辰進士萬曆十二年由尚寶少卿任十四年陞左通政

張文熙

廣西臨桂人萬曆丁丑進士十四年由京畿道御史陞任

劉光國

河南上蔡人隆慶戊辰進士萬曆十四年由南京畿道御史任十五年調浙江副使

朱仕

山東平原人隆慶辛未進士萬曆十五年由京畿道御史任十六年陞大理右少卿

郭東

山東高平人嘉靖丙辰進士萬曆十六年由光祿寺少卿任十七年陞南京太僕寺卿

孫旬

山東萊陽人隆慶辛未進士萬曆十七年任陞大理寺左少卿

李禎

陝西慶陽衛人隆慶辛未進士萬曆十七年由尚寶司卿任十八年陞巡撫湖廣右僉都

郭惟賢

福建晉江人萬曆甲戌進士十八年由南通叅議任

順天府丞行實

嚴節字

人

永樂十年以順天

府同知陞任

甄儀見府尹永樂十一年任

余謙字

人永樂十九年任

李庸詳府尹永樂十九年任宣德二年陞府尹

李友直字居正直隸保定府清苑縣人北平按察司吏員永樂

十八年歷工部左侍郎二十二年以居大行皇帝喪不齋戒

公宿降順天府丞尋陞工部右侍郎詳工部尚書

王鐸字

四川順慶府岳池縣人宣德癸丑進士十年以

科都給事中陞應天府丞改順天府丞卒於官

蔡錫字廷干浙江寧波府鄞縣人永樂癸未鄉舉歷國子監助教
正統六年以叅贊宣府功任詳大理寺卿

王弼字廷輔江西饒州府鄱陽縣人宣德癸丑進士正統十四
年由兵科都給事中陞任詳應天府尹

國盛字
山東濟南府淄川縣人正統戊辰進士景泰二年
由工科都給事中陞順天府府丞天順元年陞通政司左通政
王福詳府尹天順元年任

王晉字
山東濟南府海豐縣人正統壬辰舉天順四年由
御史陞任七年致仕

盧祥字

廣東廣州府東莞縣人正統壬戌進士天順二年

由禮科都給事中陞南京太僕寺少卿本年丁憂八年補順天府丞成化元年陞巡撫延綏右僉都御史

彭信字

浙江杭州府仁和县縣人景泰辛未進士成化元年

由御史陞順天府府丞九年陞應天府尹十二年卒於官

丁川字大容浙江紹興府新昌縣人天順甲申進士成化八年由御史陞任訪民隱上撫民賦役等五事值歲凶疏救荒禦

災十五事十四年陞巡撫延綏右僉都御史

徐英字時傑四川潼川州中江縣人天順丁丑進士歷吏科都給事中成化十四年陞順天府丞歷河南右布政使轉左詳總

督漕運

張海字文淵山東濟南府德州人成化丙戌進士十六年由兵科都給事中陞順天府丞忤中貴出知鶴慶府詳兵部左侍郎黃傑見府尹成化十九年任

畢亨字嘉會山東濟南府新城縣人成化乙未進士弘治庚戌任吏部考功司郎中辛亥陞順天府丞甲寅奉命捕蝗忤權貴爲所中傷孝廟察其誣宥之七年時諫垣有欲得其缺者素銜之遂乘隙劾之調兩淮運同詳工部尙書

藺琦見府尹弘治六年任

張超字

江西吉安府泰和縣人成化乙未進士弘治十年

任

黃寶字

湖廣長沙府長沙縣人成化甲辰進士授吏部驗

封主事歷文選郎中弘治七年任太常寺少卿十六年改順人
府丞詳陝西巡撫

王佐字廷輔山西遼州和順縣人成化戊戌進士弘治甲寅江
提督四夷館太常寺少卿丁內艱十年補太常寺十七年陞順
天府丞較軍事繁佐處之裕如提調鄉試費省事實十八年陞
光祿寺卿詳南京戶部尚書

呂獻見府尹弘治十八年任

趙璜字廷寶江西吉安府安福縣人弘治庚戌進士正德

由濟南府知府陞任本年以逆瑾索賂弗得逮繫爲民瑾誅
諫薦復舊衛署府事治多中貴及權要田土有司不勝凌逼乃
懲其一二自是驕恣屏跡詳工部尙書

胡汝礪見府尹正德二年由大同府知府陞任

沈冬魁字



直隸河間府阜城縣人弘治庚戌進士正德四

年由吏部驗封司郎中陞任詳南京禮部尙書

石祿字



直隸滁州人弘治庚戌進士正德六年任叅政四

年陞南京太僕寺少卿五年改順天府丞未任

楊一漢字



廣東廣州府南海縣人弘治己未進士正德六

年由吏科都給事中陞任詳南京大理卿

王鏞字

直隸永平衛人弘治己未進士正德七年由刑科

都給事中陞任九年陞巡撫山西右僉都詳兵部右侍郎

張潤字汝霖山西平陽府臨汾縣人弘治壬戌進士正德九年

由戶科都給事中陞任十三年陞巡撫順天右僉都詳南京吏

部尚書

黃鍾字

直隸隆慶衛籍江西贛縣人正德辛未進士十三

年由吏科都給事中陞任嘉靖十四年陞山西巡撫

王堯封字

直隸保定府定興縣人弘治乙丑進士正德十

四年由御史陞任嘉靖二年陞巡撫山東右僉都御史詳南京

兵部尚書

張仲賢字

山西太原府陽曲縣人正德戊辰進士嘉靖

年由湖廣道御史陞任詳順天巡撫

唐鳳儀字

湖廣寶慶府邵陽縣人正德戊辰進士嘉靖六

年由應天府丞改任詳四川巡撫

張嵩字

四川成都前衛人正德丁丑進士嘉靖

科都給事中十年陞順天府丞十二年陞巡撫順天永平石

都御史